

जेत्स यत्सऽस्थापयेत्प्रजायै हान्तमियात्तत्प्रजामुत्सृजति तस्मान्न सऽस्थापयेत्पर्यग्नि-
कृतमेवोत्सृजेत् ॥ ८ ॥ ब्राह्मणम् ॥ ५ [७. २] ॥

पशुश्च वै यूपश्च । न वाऽऽकृते यूपात्पशुमालभते कदा चन तद्यत्तथा न ह
वाऽएतस्माऽअग्रे पशवश्चक्षमिरे यदन्नमभविष्यन्यथेदमन्नं भूता यथा ह्येवायं द्विपा-
त्पुरुष उद्धित एव ह्येव द्विपाद् उद्धिताश्चरुः ॥ १ ॥ ततो देवा एतं वज्रं ददधुः ।
यद्यूपं तमुहिश्रियुस्तस्माद्दीपा प्राव्रीयन्त ततश्चतुष्पादा अभवंस्ततोऽन्नमभवन्न्यथेद-
मन्नं भूता एतस्मै हि वाऽएतेऽतिष्ठन्त तस्माद्यूपऽएव पशुमालभते नऽर्ते यूपा-
त्कदा चन ॥ २ ॥ अथोपाकृत्य पशुम् । अग्निं मथित्वा नियुनक्ति तद्यत्तथा न ह
वाऽएतस्माऽअग्रे पशवश्चक्षमिरे यद्विभविष्यन्यथैनानिदु हविर्भूतानग्नौ जुह्व-
ति तान्देवा उपनिरुधुस्तऽउपनिरुद्धा नोपावेयुः ॥ ३ ॥ ते होचुः । न वाऽऽमे
ऽस्य यामं विदुर्यदग्नौ हविर्जुह्वति नैतां प्रतिष्ठामुपरुध्यैव पशूनग्निं मथित्वाग्नावग्निं
जुह्वाम ते वेदिष्यत्येष वै किल हविषो याम एषा प्रतिष्ठामग्नौ वै किल हवि-
र्जुह्वतीति ततोऽभ्यवैष्यन्ति ततो रातमनस आलम्भाय भविष्यतीति ॥ ४ ॥ त
ऽउपरुध्यैव पशून् । अग्निं मथित्वाग्नावग्निमजुहुवुस्तेऽविदुरेष वै किल हविषो
याम एषा प्रतिष्ठामग्नौ वै किल हविर्जुह्वतीति ततोऽभ्यवायंस्ततो रातमनस आ-
लम्भायाभवन् ॥ ५ ॥ तथोऽएवैष एतत् । उपरुध्यैव पशुमग्निं मथित्वाग्नावग्निं जु-
ह्वोति स वेदैष वै किल हविषो याम एषा प्रतिष्ठामग्नौ वै किल हविर्जुह्वतीति
ततोऽभ्यवैति ततो रातमना आलम्भाय भवति तस्मादुपाकृत्य पशुमग्निं मथित्वा
नियुनक्ति ॥ ६ ॥ तदाहुः । नोपाकुर्यान्नाग्निं मन्येद्रशनामेवादायाञ्जसोपपरेत्याभि-
धाय नियुज्यादिति तडु तथा न कुर्याद्यथाधर्मं तिरश्चथा चिकीर्षेदेवं तत्तस्मादे-
तदेवानुपरीयात् ॥ ७ ॥ अथ तृणमादायोपाकरोति । द्वितीयवान्निरुणधाऽइति द्वि-
तीयवान्हि वीर्यवान् ॥ ८ ॥ स तृणमादत्ते । उपावीरसीत्युप हि द्वितीयोऽवति